



Broj: 01/6-50-3-6- 10/25

Sarajevo, 22.1.2025.g.

IZVJEŠTAJ O RADU KOMISIJE ZA OSTVARIVANJE
RAVNOPRAVNOSTI SPOLOVA PREDSTAVNIČKOG DOMA
PARLAMENTARNE SKUPŠTINE BOSNE I HERCEGOVINE
ZA 2024. GODINU

Sarajevo, decembar 2024.

S A D R Ź A J

POGLAVLJE I. UVODNI DIO	3
POGLAVLJE II. IZVJEŠTAJ O AKTIVNOSTIMA KOMISIJE.....	4
2.1. Redovne sjednice Komisije	4
2.2. Tematske sjednice i konferencije	5
2.3. Ostale aktivnosti Komisije za ostvarivanje ravnopravnosti spolova.....	5
POGLAVLJE III. SAŽETAK	6
PRILOG: Pregled sjednica Komisije s tačkama dnevnog reda	7
Pregled zaključaka Komisije u 2024. godini	8

Na osnovu člana 32. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15, 97/15, 78/19, 26/20, 53/22, 59/23, 87/23, 50/24 i 73/24, u daljnjem tekstu: Poslovnik), Komisija za ostvarivanje ravnopravnosti spolova Predstavničkog doma Parlamentarne skupštine BiH na 10. sjednici, održanoj 22.1.2025. godine, usvojila je

IZVJEŠTAJ O RADU ZA 2024. GODINU

POGLAVLJE I.

UVODNI DIO

Nadležnosti Komisije za ostvarivanje ravnopravnosti spolova Predstavničkog doma Parlamentarne skupštine BiH (u daljnjem tekstu: Komisija) utvrđene su članom 49. Poslovnika Predstavničkog doma, kojim je propisano da Komisija razmatra pitanja koja se odnose na:

- ostvarivanje ravnopravnosti spolova u Bosni i Hercegovini, naročito u vezi s unapređivanjem statusa žena u Bosni i Hercegovini;
- podsticanje aktivnosti u institucijama BiH na provođenju Platforme za djelovanje Pekinške deklaracije (Četvrta svjetska konferencija o ženama, 1995) u 12 kritičkih sfera;
- podsticanje i koordiniranje aktivnosti s entitetskim parlamentima i Skupštinom Brčko Distrikta BiH na unapređenju statusa žena i provođenju Platforme za djelovanje Pekinške deklaracije;
- razmatranje predloženih zakona i drugih propisa sa stanovišta ravnopravnosti spolova i sprečavanja diskriminacije žena;
- razmatranje prijedloga dokumenata i izvještaja institucija BiH koji se odnose na ostvarivanje ravnopravnosti spolova i provođenje Platforme za djelovanje Pekinške deklaracije u cijelosti, odnosno po pojedinim oblastima;
- razmatranje pripreme za učešće delegacija Bosne i Hercegovine na međunarodnim skupovima kada se razmatra provođenje Pekinške deklaracije (UN, Vijeće za regionalnu saradnju – RCC i sl.);

- druga pitanja u vezi sa ostvarivanjem ravnopravnosti spolova.

POGLAVLJE II. IZVJEŠTAJ O AKTIVNOSTIMA KOMISIJE

2.1. Redovne sjednice Komisije za ostvarivanje ravnopravnosti spolova

U 2024. godini Komisija je održala tri sjednice s ukupno 14 tačaka dnevnog reda, i to kako slijedi:

<i>Broj i datum održavanja sjednice</i>	<i>Broj razmatranih tačaka dnevnog reda</i>	<i>Broj i ime i prezime članova prisutnih sjednici Komisije</i>	<i>Broj i ime i prezime članova koji nisu bili na sjednici Komisije</i>
6. sjednica održana 29. 1. 2024.	5	6 Miroslav Vujičić – predsjedavajuća, Rejhana Dervišević – druga zamjenica, Sabina Ćudić, Mira Pekić, Amor Mašović i Vlatko Glavaš	3 Mia Karamehić-Abazović – prva zamjenica, Ljubica Miljanović i Denijal Tulumović
8. sjednica održana 20. 6. 2024.	5	6 Miroslav Vujičić – predsjedavajući, Rejhana Dervišević – druga zamjenica, Ljubica Miljanović, Mira Pekić, Amor Mašović i Denijal Tulumović	3 Mia Karamehić-Abazović – prva zamjenica, Sabina Ćudić i Vlatko Glavaš
9. sjednica održana 27. 8. 2024.	4	6 Miroslav Vujičić – predsjedavajući, Mia Karamehić-Abazović – prva zamjenica, Rejhana Dervišević – druga zamjenica, Ljubica Miljanović, Amor Mašović i Vlatko Glavaš	3 Sabina Ćudić, Mira Pekić i Denijal Tulumović
Ukupan broj redovnih sjednica: 3	Ukupan broj razmatranih tačaka: 14	Prosjek prisustva: 66,7 %	Prosjek odsustva: 33,3 %

Osim redovnih sjednica, Komisija je organizirala i jednu tematsku sjednicu, o kojoj će biti više riječi u sljedećem poglavlju.

2.2. Tematska sjednica Komisije za ostvarivanje ravnopravnosti spolova

povodom obilježavanja Međunarodnog dana žena

Tematska sjednica održana je 7. 3. 2024, u zgradi Parlamentarne skupštine BiH u Plavoj sali, pod nazivom „Društveno-ekonomska pitanja osnaživanja žena za učešće u donošenju odluka u Bosni i Hercegovini“. Sjednica je održana u organizaciji Komisije za ostvarivanje ravnopravnosti spolova Predstavčkog doma Parlamentarne skupštine BiH i Agencije za ravnopravnost spolova BiH Ministarstva za ljudska prava i izbjeglice BiH, u saradnji s Misijom OSCE-a u Bosni i Hercegovini, UN WOMEN i Ambasdom Kraljevine Švedske u Bosni i Hercegovini.

U okviru dva tematska panela: “Ekonomija brige i ekonomsko osnaživanje žena kao pretpostavka razvoja “ i “Ususret lokalnim izborima 2024. – Kako osigurati više žena u donošenju odluka?“ govorili su predstavnici Komisije za ostvarivanje ravnopravnosti spolova Predstavničkog doma Parlamentarne skupštine BiH, načelnice općina, predsjedavajuće općinskih vijeća, predstavnice komisija za ravnopravnost spolova u lokalnim zajednicama, predstavnice političkih stranaka, žene sa iskustvom na izvršnim funkcijama i politici, predstavnici ministarstava, nevladinog sektora, akademske zajednice, međunarodnih organizacija i ambasada.

Usvojene su i zajedničke preporuke s tematske sjednice.

2.3. Ostale aktivnosti Komisije za ostvarivanje ravnopravnosti spolova

Članovi rukovodstva Komisije održali su radni sastanak s predstavnikom Misije OSCE-a za BiH i ODIHR -a Sašom Gavrićem, koji je predložio konkretnu saradnju koja bi se odnosila na analizu stanja ravnopravnosti spolova, zastupljenosti žena ne samo u oba doma Parlamentarne skupštine BiH već i među državnim službenicima i zaposlenima u Parlamentarnoj skupštini BiH.

Također je dogovorena izrada Kodeksa ponašanja muškaraca prema ženama u Parlamentarnoj skupštini BiH.

Članovi rukovodstva Komisije održali su radni sastanak s predstavnicama projekta GIZ-a Regionalna saradnja za evropske integracije Gudrun Kramer, rukovoditeljicom projekta GIZ-a Regionalna saradnja za evropske integracije, i Šejlom Mujačić, menadžericom projekata u GIZ-u. Projekat GIZ-a Regionalna saradnja za evropske integracije (Regional Cooperation for EU Integration - RCEI) radi na uspostavljanju Regionalne platforme za dijalog o rodnoj ravnopravnosti i inkluziji, čiji je cilj omogućiti razmjenu i saradnju između institucija i ostalih

učesnika koji se bave ovim temama u regionu Zapadnog Balkana, na kojem je razgovarano o mogućoj daljnjoj saradnji Komisije, a svoje planove i namjere izložili su rukovodstvu relevantnog radnog tijela Parlamentarne skupštine BiH Komisiji za ostvarivanje ravnopravnosti spolova.

POGLAVLJE III. **SAŽETAK**

Komisija je redovno analizirala stanje ravnopravnosti spolova u raznim oblastima javnog i privatnog života u Bosni i Hercegovini, uvažavajući stavove i vladinog i nevladinog sektora, te nastojeći postići uravnoteženo mišljenje koje bi svojim preporukama podstaknulo na aktivnosti s ciljem poboljšanja stanja u Bosni i Hercegovini.

Bitno je istaknuti i višegodišnje strateške partnere s kojima je Komisija za ostvarivanje ravnopravnosti spolova, kako ranijih godina tako i tokom protekle godine, najviše sarađivala, a to su: Agencija za ravnopravnost spolova Ministarstva za ljudska prava i izbjeglice BiH, *UN Women*, UNDP, OSCE/ODIHR za BiH te brojne nevladine organizacije.

PRILOG:

Pregled sjednica Komisije u 2024. godini s tačkama dnevnog reda

➤ 6. sjednica, 29. 1. 2024. godine

Dnevni red:

1. Usvajanje Zapisnika 5. sjednice Komisije;
2. Razmatranje Izvještaja o radu Komisije za ostvarivanje ravnopravnosti spolova za 2023. godinu;
3. Razmatranje Plana rada Komisije za ostvarivanje ravnopravnosti spolova za 2024. godinu;
4. Razmatranje Izvještaja o provedenoj reviziji učinka o temi: „Aktivnosti institucija BiH na osiguranju rodne ravnopravnosti“, podnositelj: Ured za reviziju institucija BiH;
5. Tekuća pitanja.

➤ 8. sjednica, 20. 6. 2024. godine

Dnevni red:

1. Usvajanje Zapisnika 6. sjednice Komisije
2. Informacija sa 7. (tematske) sjednice Komisije;
3. Informacija sa sastanka članova Komisije s predstavnicima GIZ-a;
4. Informacija sa sastanka članova rukovodstva Komisije s predstavnikom Misije OEES-a u BiH i ODIHR-a;
5. Tekuća pitanja

➤ 9. sjednica, 27. 8. 2024. godine

Dnevni red:

1. Usvajanje Zapisnika 8. sjednice Komisije;
2. Izvještaj o radu Vijeća ministara BiH za 2023. godinu, broj: 01,02-50-18-1414/24 od 19. 7. 2024;
3. Informacija o prispjelim odgovorima MUP-ova na upućeni zahtjev;
4. Tekuća pitanja.

Pregled zaključaka Komisije u 2024. godini

Komisija je na 8. sjednici, održanoj 20. juna 2024. godine, razmatralo tačku dnevnog reda: Tekuća pitanja – te je jednoglasno donijelo sljedeće zaključke:

Zaključak 1.

Potrebno je na prvu sljedeću sjednicu pozvati predstavnice Inicijative „Građanke za ustavne promjene“ kako bi kratko predstavile rad Inicijative sa osvrtom na rodno osjetljive amandmane na Ustav BiH.

Zaključak 2.

Komisija za ostvarivanje ravnopravnosti spolova će u saradnji s Agencijom za ravnopravnost spolova MLJPIBiH organizirati tematsku sjednicu u zadnjem kvartalu tekuće godine pod nazivom: „Seksualne iznude kao oblik korupcije“.

Zaključak 3.

Zadužuje se sekretarka Komisije za ostvarivanje ravnopravnosti spolova da prikupi informacije od relevantnih institucija i dostavi ih članovima Komisije o pitanju nasilja u porodici, nasilja nad ženama i sve češćih slučajeva femicida na prostoru cijele Bosne i Hercegovine.

PREDSJEDAVAJUĆI KOMISIJE

Miroslav Vujičić